

九天應元雷聲普化天尊玉樞寶經


福壽祿




大明萬曆四十年歲次乙卯四月吉日造

九天應元雷聲普化天尊王樞寶經







御製

大哉乾元 萬物資始 鼓動雷霆
潤以風雨 時和年豐 仰茲洪庥
攝伏羣魔 咸宜九寓 國泰民安
輔世治平 萬億斯年 延益天齡



御製金書雷霆玉樞寶經序

朕惟兩儀奠位。四序運行。物

不震不發。威不震不伸。潤

之以風雨。而萬物生成。鼓

之以

雷霆。而百邪弭息。扶危難之

世運。拯沉溺之

慈航。寔由

九天普化。一炁雷聲。

覆育羣倫。

鑒觀率土者也。

朕繼承

丕緒。敢怠憂勤。報

貺之心。愈乾乾而祇慄。懷生之

福。仰赫赫以昭彰。是以輒

罄丹衷。粧嚴秘笈。特命道

士。焚香長跪。泥金書寫。

九天玉樞寶經三卷。敢伸昭薦

之精衷。冀延

丕佑。益佇繁禧之彌錫。肱輿潛

通輦。

國祚之億年。臣忠子孝。願普

天之樂業。物阜民安。

金經遵奉。是序欽哉。

大明萬曆四十二年八月

日



持經訣要

凡持誦經者。必以至心誠意。盥漱齋沐。嚴整衣冠。焚香正身端坐。洗心滌慮。絕念忘情。思真如對。然後朗誦。

淨心神咒

太上台星

應變無停

驅邪縛魅

保命護身

智慧明淨

心神安寧

三魂永久

魄無喪傾

急急如律令

淨口神咒

丹朱口神

吐穢除氛

舌神正倫

通命養神

羅千齒神

却邪衛真

喉神虎賁

氣神引津

心神丹元

令我通真

思神鍊液

道炁常存

急急如律令

淨身神咒

靈寶天尊

安慰身形

弟子魂魄

五臟玄冥

青龍白虎

隊仗紛紜

朱雀玄武

侍衛身形

急急如律令

安土地神咒

元始安鎮

普告萬靈

嶽瀆真官

土地祇靈

左社右稷

不得妄驚

回向正道

內外澄清

各安方位

備守家庭

太上有命

搜捕邪精

護法神王

保衛誦經

皈依大道

元亨利貞

急急如律令

淨天地解穢神咒

天地自然

穢氣氛散

洞中玄虛

晃朗太元

八方威神

使我自然

靈寶符命

普告九天

乾羅荅那

洞罡太玄

斬妖縛邪

殺鬼萬千

中山神咒

元始玉文

吾誦一遍

却鬼延年

按行五嶽

八海知聞

魔王束首

侍衛我軒

凶穢消蕩

道炁常存

急急如律令

祝香咒

道由心學

心假香傳

香爇玉爐

心存帝前

真靈下盼

仙旂臨軒

令臣關告

逕達九天

九天應元雷聲普化天尊玉樞寶經

開經偈

神霄雷祖帝

九天普化君

談道趺九鳳

持法騎麒麟

統攝聖嶽將

掌令判雷霆

三辛逢初六

察人善惡情

消灾并度厄

稱名誦寶經

爾時

九天應元雷聲普化天尊。在玉清天中。

與十方諸天帝君。會於玉虛九光之殿。

鬱蕭彌羅之館。紘極曲密之房。閔太幽
碧瑤之笈。考洞微明晨之書。交頭接耳。
細議重玄。諸多陪臣。左右踟躕。

天尊宴坐。朗誦洞章。諸天帝君。長吟步
虛。綵女仙姝。散花旋繞。復相引領。遊戲
翠宮。羣仙導前。先節後鉞。龍旂鸞輅。飄
飄太空。並集於玉梵七寶層臺。時有雷
師皓翁。於仙衆中。越班而出。面

天尊前。頰頤作禮。勃變長跪。上白

天尊言。天尊大慈。天尊大聖。為羣生父。

為萬靈師。今者諸天咸此良覲。適見
天尊。閱寶笈。考瓊書。於中秘牘。不可縷
計。惟有玉霄一府。所統三十六天。內院
中司。東西華臺。玄館妙閣。四府六院。及
諸有司。各分曹局。所以總司五雷。天臨
三界者也。

天尊至。皇心親庶政。此等小兆。以何因
緣。得以趨服。願告欲聞。

天尊言。雷師皓翁。爾等仙卿。儲勲夙世。
累行昨生。故得玉府登庸。瓊宮簡錄。今

茲勲行。視夙昨多。爾其悉力雷司。委心
火部。日復日。歲復歲。勲崇行著。性霽神
融。克證高真。即階妙道。惟是雷部鬼神。
晝勞夕役。動有捶楚。大則考戮。屑雲雕
雪。無有已時。檄龍命鴉。此息彼作。彼所
因故。爾其耳焉。雷師皓翁。及諸天諸仙。
聳耳而默。

天尊所坐。九鳳丹霞之宸。手舉金光明
之如意。琅風清微。綺雲郁麗。

天尊寂然良久。

天尊言。吾昔於千五百劫以先。心縫此
道。遂位上真。意釀此功。遂權大化。嘗於
大羅元始天尊前。以清淨心。發廣大願。
願於未來世一切衆生。天龍鬼神。一稱
吾名。悉使超渙。如所否者。吾當以身身
之。爾等洗心。為爾宣說。

天尊言。爾諸天人。欲聞至道。至道深窈。
不在其他。爾既欲聞。無聞者是。無聞無
見。即是真道。聞見亦泯。惟爾而已。爾尚
非有。何況於道。不聞而聞。何道可談。

天尊言。道者以誠而入。以默而守。以柔而用。用誠似愚。用默似訥。用柔似拙。夫如是。則可與忘形。可與忘我。可與忘忘。入道者知止。守道者知謹。用道者知微。能知微。則慧光生。能知謹。則聖智全。能知止。則泰定安。泰定安。則聖智全。聖智全。則慧光生。慧光生。則與道為一。是名真忘。惟其忘而不忘。忘無可忘。無可忘者。即是至道。道在天地。天地不知。有情無情。惟一無二。

天尊言。吾今於世。何以利生。為諸天人
演此妙寶。得悟之者。俾躋仙阼。學道之
士。信有氣數。夫風土不同。則稟受自異。
故謂之氣。智愚不同。則清濁自異。故謂
之數。數繫乎命。氣繫乎天。氣數所囿。天
命所桔。不得真道。愚可以智。濁可以清。
惟命俾之。愚昏昏。濁冥冥。亦風土稟受
之移之。天地神其機。使人不知。則曰自
然。使知其不知。則亦曰自然。自然之妙。
雖妙於知。而所以妙。則自乎不知。然於

道則未始。有以愚之濁之。諸天聞已。四衆咸悅。

天尊言。吾今所說。即是玉樞寶經。若未來世。有諸衆生。得聞吾名。但冥心默想。作是念言。九天應元雷聲普化天尊。或一聲。或五七聲。或千百聲。吾即化形十方。運心三界。使稱名者。咸得如意。十方三界。諸天諸地。日月星辰。山河草木。飛走蠢動。若有知。若無知。天龍鬼神。聞諸衆生。一稱吾名。如有不順者。馘首剗心。

化為微塵。

天尊言。吾是九天貞明大聖。每月初六。及旬中辛日。監觀萬天浮遊三界。若或有人。欲學道。欲希仙。欲追九玄。欲釋三灾。當命正一道士。或自同親友。於樓觀。於家庭。於里社。酌水饋花。課誦此經。或一過。三五過。乃至數十百過。即得神清氣爽。心廣體胖。凡所希求。悉應其感。天尊言。身中九靈。何不召之。一曰天生。二曰無英。三曰玄珠。四曰正中。五曰子。

丹。六曰回回。七曰丹元。八曰太淵。九曰
靈童。召之則吉。身中三精。何不呼之。一
曰台光。二曰爽靈。三曰幽精。呼之則慶。
五心煩懣。六脉搶攘。四肢失寧。百節告
急。宜誦此經。

天尊言。若或有人。五行奇蹇。九曜欽熾。
年逢形衝。運值克戰。孤辰寡宿。羊刃劍
鋒。劫煞亡神。鬼門鈎絞。祿遭破敗。馬落
空亡。動用凶危。行藏坎壈。即誦此經。上
請天官解天厄。地官解地厄。水官解水

厄。五帝解五方厄。四聖解四時厄。南辰解本命厄。北斗解一切厄。

天尊言。沉痾伏枕。痼疾壓身。積時弗瘳。求醫罔效。五神無主。四大不收。或是五帝三官之前。泰山五道之前。日月星辰之前。山林草木之前。靈壇古跡之前。城隍社廟之前。里巷井竈之前。寺觀塔樓之前。或地府三十六獄。冥官七十二司。有諸冤枉。致此牽纏。或盟詛咒。誓之所招。或債挃負。償之所致。三世結累。異劫

興仇。埒其咎尤。庠其執對。皆當首謝。即誦此經。

天尊言。天官符。地官符。年月日時。各有官符。方隅向背。各有官符。大則官符。小則口舌。是有赤口白舌之神。以主之。凡諸動作興舉。出入起居。不知避忌。如遇官符口舌。則使人擊聒。曉夜煎爇。多招脣吻。面是背非。動致口牙。盟神詛佛。始於謗讟。終於詬詆。由是獄訟生焉。刑憲存焉。若欲脫之。即誦此經。遂得口舌潛

消。官符永息。

天尊言。土皇九壘。其司千二百神。土侯
土伯。土公。土母。土子。土孫。土家眷屬。若
太歲。若將軍。若鶴神。若太白。若九良。若
劍鋒。若雌雄。若金神。若火血。若身黃。若
撞命。若三煞。若七煞。若黃旛豹尾。若飛
廉刀砧。如是等土家神煞。若人興修卜
筮。一或犯之。即致病患。以迄喪亡。纔誦
此經。則萬神皆起。天無忌。地無忌。陰陽
無忌。百無禁忌。

天尊言。世人夫婦。其於婚合。或犯咸池。或犯天狗。三刑六害。隅角交加。孤陰寡陽。天羅地網。躑於嗣息。多是孤獨。若欲求男。即誦此經。當有九天監生大神。招神攝風。遂生賢子。於其生產之時。太乙在門。司命在庭。或有寃愆。或有鬼魅。或有禁忌。或有凶厄。致令難產。請誦此經。即得九天衛房聖母。默與抱送。故能臨盆有慶。坐草無虞。凡有嬰孩。在於襁褓。為梅檀神王座下一十五種鬼。加諸惱。

害。因多驚癇。宜誦此經。

天尊言。若人居止。烏鼠送妖。蛇蟲嫁孽。
拋磚擲瓦。驚雞弄狗。邀求祭祀。以至影
脅夢逼。及於姦盜。而敢據其所居。以為
巢穴。遂使生人被惑。庭戶不清。夜嘯於
梁。晝瞰其室。牛馬犬豕。亦遭瘟疫。禍連
骨肉。災及孳生。淫祠妖社。黨庇神姦。吊
客頻仍。喪車疊出。若誦此經。即使鬼精
滅爽。人物咸寧。

天尊言。九天雷公將軍。五方雷公將軍。

八方雲雷將軍。五方蠻雷使者。雷部總
兵使者。莫懸判官。發號施令。疾如風火。
有廟可伐。有壇可擊。有妖可除。有祟可
遣。李世末法。多諸巫覡。邪法流行。陰肆
魘禱。是故上清。乃有天延禁鬼錄。姦之
庭。帝猷束妖。考邪之房。能誦此經。其應
如響。

天尊言。天瘟地瘟二十五瘟。天蠱地蠱
二十四蠱。天瘵地瘵三十六瘵。能誦此
經。即使瘟瘵清淨。蠱毒消除。勞瘵平復。

亦有其由。或者先亡復連。或者伏屍故
炁。或者塚訟墓注。或者死魂染惹。或者
尸炁感招。凡此鬼神。或悲思。或恚恨。牽
連執證。並緣注射。乘隙伺間。乃得其便。
故此經者。上通三天。下徹九泉。可以追
薦魂爽。超度祖玄。

太上遣素車白馬大將軍以監之。

天尊言。若或有人。治裝遠行。賊盜騁姦。
五兵加害。陸行則虎狼。魑蜮磨其牙。水
行則蛟龍。鼃鼃張其頤。或灘瀨有幽枉。

之魂。或風濤有劫數之會。前亡後化。捉
生代死。能於此經。皈命投誠。故得水陸
平康。行藏協吉。

天尊言。亢陽為虐。雨澤愆期。稽顙此經。
應時甘澍。積陰為癘。雨水浸淫。稽顙此
經。應時朗霽。祝融扇禍。飛火民居。赤鼠
游城。驚熱黎庶。此經可以禳之。海若失
經。魚鼈妄行。洪水稽天。民生墊溺。此經
可以止之。

天尊言。世人欲免三灾九橫之厄。即於

靜夜稽首北辰。北辰之上。上有三台。其
星並纏。形如雙目。疊為三級。以覆斗魁。
是名天階。若人見之。生前無刑囚之憂。
身後不淪沒之苦。斗中復有尊帝二星。
大如車輪。若人見之。留形住世。長生神
仙。歸命此經。授心北極。即有冥感。斗為
天樞。中有天罡。在內則為廉貞。在外則
為破軍。雷城十二門。並隨天罡之所指。
罡星指丑。其身未。所指者吉。所在者
凶。餘位皆然。若人見之。壽可千歲。

天尊言。世衰道微。人無德行。不忠君王。
不孝父母。不敬師長。不友兄弟。不誠夫
婦。不義朋友。不畏天地。不懼神明。不禮
三光。不重五穀。身三口四。大秤小斗。殺
生害命。人百已千。姦私邪淫。妖誣叛逆。
從微至著。三官鼓筆。太乙移文。即付五
雷。斬勘之司。先斬其神。後勘其形。斬神
誅魂。使之顛倒。人所鄙賤。人所嫌害。人
所怨惡。以至勘形震屍。使之崩裂。驅其
捲水。役其驅車。月竅旬校。復有考掠。一

聞此經。其罪即滅。若或有人。為雷所嗔。其屍不舉。水火不受。即稱

九天應元雷聲普化天尊。作是念言。萬神稽首。咸聽吾命。

天尊言。此經功德。不可思議。往昔劫中。

神霄玉清真王長生大帝。所曾宣說。至士授經。皆當剗金置幣。盟天以傳。雷師皓翁。長跪拜興。重白。

天尊言。是經在處。當令土地司命。隨所守護。雷部按臨。以時稽審。若人家有此

經。至誠安奉。即得祥煙滿庭。慶雲廕軒。
禍亂不萌。吉福來萃。於其亡歿。不經地
獄。所以者何。死即往生。生歸善道。承
天尊力。有此靈通。出入起居。佩帶此經。
衆人所欽。鬼神所畏。遇諸險難。一心稱
名。

九天應元雷聲普化天尊。悉得解脫。於
是雷師皓翁對
天尊前。而說偈曰。

無上玉清王 統天三十六

九天普化君

化形十方界

披髮騎麒麟

赤脚躡層冰

手把九天炁

灑風鞭雷霆

能以智慧力

攝伏諸魔精

濟度長夜魂

利益於衆生

如彼銀河水

千眼千月輪

誓於未來世

永颺天尊教

師雷師皓翁。說是偈已。

天尊言。此經傳世。世人未知。吾今所治

九天應元府。府有九天雷門使者。以糾

錄典者。廉訪典者佐之。復有四司。一曰
掠剽司。二曰積逮司。三曰幽枉司。四曰
報應司。各有大夫以掌其事。吾之所理。
卿師使相。咸贊元化。

天尊說是經畢。玉梵七寶層臺。天花繽紛。瓊香繚繞。十方諸天帝君。咸稱善哉。
天龍鬼神。雷部官衆。三界萬靈。皆大歡
喜。信受奉行。

九天應元雷聲普化天尊玉樞寶經終



皇帝萬歲萬歲萬歲

